

佛祖歷代通載卷第三十二

泰三

嘉興路大中祥符禪寺住持華亭念常集

年十九年

八月賜文天祥死時年四十七歲矣

○甲申正月六

日大赦

乙酉二十二年

十二月安貴丞相從職

聖旨焚毀諸路偽道藏經之碑翰林院

唐方楊文郁王構趙興李繼閻後李

靖李監王鑒奉勅撰正奉大夫樞

密副使臣商挺奉勅書光祿大夫

中書左丞相監修國史臣耶律鐸奉

勅篆額

至元二十一年三月初三日詔遣資德大夫總制院使兼領功德使司事相哥諭翰林院戊午僧道持論及至元十八年十月二十日焚毀道藏偽經始末可書其事於

石臣監等謹按釋總統合台薩哩所錄事迹昔在憲宗皇帝朝道家者派出一書曰老君化胡成佛經及八十一化圖鏤板傳布其言鄙陋誕妄意在輕蔑釋門而自重其教屬賓大師蘭麻總統少林長老福裕

永樂北藏

佛祖歷代通載

第一九一冊

以其事奏聞時上居潛邸憲宗有旨令僧道二家同詣上所辯析二家自約道勝則僧冠首而爲道僧勝則道削髮而爲僧僧問道曰汝書爲論化胡成佛且佛是何義道對曰佛者覺也覺天覺地覺陰覺陽覺

仁覺義之謂也僧曰是殆不然所謂覺者自覺覺他覺行圓滿三覺圓明故號佛陀豈特覺天地陰陽仁義而已耶是時上特語近侍曰吾亦先知仁義是孔子之語謂佛爲覺仁覺義其說非也道士又持史記

諸書以進欲出多說僥倖取勝帝師板的達登合師八曰此是何書道曰前代帝王之書上曰汝今持論教法何用攀援前代帝王帝師曰我天竺亦有此書汝聞之乎對曰未也帝師曰我爲汝說天竺頻婆羅

卷三

王贊佛偈曰天上天下無如佛十方世界亦無比世間所有我盡見一切無有如佛者當其說是語時老子安在道者不能對帝師又問汝史記有化胡之說否曰無又問老子所傳何經曰道德經曰此外更有

何經曰無道德經中有化胡事否曰無帝  
師曰史記中既無道德經中又無其為偽  
妄明矣道者辭屈尚書姚樞曰道者負矣  
聖上命如約行罰遣近臣脫歡將道者樊志  
應等十有七人詣龍光寺削髮為僧焚偽

經四十五部天下佛寺為道流所據者二  
百三十七樞至是悉命歸之道教提點甘  
志象所據吉祥院其一也據而弗歸至元  
十七年夏四月僧人復為徵理長春宮道  
流謀害僧錄廣淵聚徒持挺毆擊僧衆自

焚廩舍誣廣淵遣僧人縱火且聲言焚米  
三千九百餘石他物稱是事達中書省辯  
其誣甘志象王志真款伏詔遣樞密副史  
則李羅及諸大臣覆按無異詞志象志真就  
則誅剗刖流竄凡十人仍徵所聲言米物如

其數歸之僧衆有道家偽經尚存為言者  
聞諸皇太子十八年九月都功德使司脫  
因小演赤奏台往年所焚道家偽經板本  
化圖多隱匿未毀其道藏諸書類皆詆毀  
釋教剽竊佛語宜皆甄別於是上命樞密

副史與前中書左丞文謙祕書監友直釋  
教總統合台薩哩太常卿忽都于思中書  
省客省使都魯在京僧錄司教禪諸僧及  
臣等詣長春宮無極殿偕正一天師張宗  
演全真掌教祁志誠大道掌教李德和杜  
福春暨諸道流考證真偽翻閱兼旬雖卷  
帙數千究其本末惟道德二篇爲老子所  
著餘悉漢張道陵後魏寇謙之唐吳筠杜  
光庭宋王欽若輩撰造演說鑿空架虛罔  
有根據詆毀釋教以妄自尊崇復愛慕其

言而竊爲已有假陰陽術數以示其與衷  
諸子醫藥以誇其博往往改易名號傳註  
訛舛失其本真文所載符呪妄謂佩之令  
能人商賈倍利子嗣蕃息仇儼和諧如駕鸞之  
御有偶將以媒淫亂而規財賄至有教人非  
望佩符在臂則男爲君相女爲后妃入水  
不溺入火不焚刀劍不能傷害之語其偽  
妄駁雜如此留之徒以誑惑愚俗自道德  
經外宜悉焚去臣等同辭以聞上曰道家  
經文傳訛踵謬非一日矣若遽焚之其徒

未必心服彼言水火不能焚溺可姑以是  
端試之俟其不驗焚之未晚也遂命樞密  
副使李羅守司徒和禮霍孫等諭張宗演  
祁志誠李德和杜福春等俾各推擇一人  
齎符入火自試其術四人者奏言此皆誕

卷三

四

妄之說臣等入火必爲灰燼實不敢試但  
乞焚玄道藏庶幾澡雪臣等上可其奏遂  
詔諭天下道家諸經可留道德二篇其餘  
文字及板本化圖一切焚毀隱匿者罪之  
民間刊布諸子醫藥等書不在禁限今後

道家者流其一遵老子之法如嗜佛者削  
髮爲僧不願爲僧者聽其爲民乃以十月  
士子集百官于憫忠寺焚道藏爲經雜書  
遣使諸路俾遵行之臣盤等聞老氏之爲  
道也以清淨爲宗無爲爲本謙冲以處已

損抑以下人非有貪欲好勝之事厥後枝  
分派列徒屬寢盛襲訛成僞誇誕百出清  
淨一變而爲污穢無爲一變無所不爲如  
漢之文成五利致身求僊恍惚誕幻帛書  
飯牛之詐黃金可成之妄一但敗露爲武

帝所誅三張之徒以鬼道惑衆倡亂天下  
爲皇甫嵩曹魏所滅宋王浮昔居上清寶  
籙宮與女冠爲姦林靈素自稱神霄紫府  
僊卿攘大水不驗並爲徽宗誅竄而死迨  
金末年復有麻被先生鍊笠李二人以姦

卷三

五

謀秘計出入時貴之門肆爲淫污之行咸  
受顯戮歷代以來若此之類不可勝數追  
惟禍亂之源姦宄之本率皆假符籙以神  
其教託僞經以警其俗橫肆巧誣倡爲詭  
狀詆毀聖教寇攘內典固已悖老氏不爭

不盜之禁矣及陷刑辟皆是孽自內作悞  
將誰咎哉且夫釋氏之教宏闊勝大非他  
教所擬倫歷百千世聖帝明王莫不尊崇  
東冒扶桑西極昧谷冰天桂海山河大地  
昆蟲草木胎卵濕化有情無情百千萬類  
皆依佛蔭生息動止於天地之間故天上  
天下惟佛爲尊超出乎有生之表歸極乎  
無碍之真智周三界神妙諸方澤及大千  
功用不宰其大有如此者慈航所至無溺  
不援法雨所霑有生皆潤憫世人之沉淪

金輪幻海顛覆迷津展轉多生流連累劫將使  
之脫凡企聖蠲弊崇真故神光破沉晦之  
門大覺指無生之路其仁有如此何意狂  
謀輒形妬忌雖積毀銷骨衆照漂山法體  
圓成初無小玷譬如盲人之毀日月何傷

日月之明井蛙之小河海奚損河海之大  
多見其不知量也欽惟聖天子識超四諦  
道慕三乘叅無象之真空傳法王之心印  
所以尊崇之禮皈向之誠矯百偽以從真  
黜群邪而歸正有不空不嚴者焉况乎筆

墨勸嫫妖術誤世恣爲欺誑鼓蕩群愚若  
不大爲改革則邪說肆行枉道惑衆其如  
天下後世何凡天下之理有善有惡有正  
有邪有真有偽常混然而同處雜然而並  
行自非稟上聖之資誕生知之性智出庶

卷三

六

物明照群情則紅紫之亂朱哇淫之變雅  
是孰得而辯明之哉由是言之聖天子匡  
濟真圖翼扶大法之功至矣槩諸聖不可  
有加矣于以鑒含靈之耳目開正途之斥  
穢使般若之光永乎無際劫遍滿恒河沙

界延洪聖壽於無疆衍縣儲君之福利鼎  
祚於億萬年之久者庸有既乎是可迷也  
臣磐等敬爲之書以貽後人俾爲老氏之  
學者有所警焉

大元至元辯僞錄隨函序翰林直學士奉  
訓大夫知制誥同脩國史臣張伯淳撰天無  
私覆地無私載日月無私照辯僞錄之所  
云良有以也洪惟聖朝繼天立極論道經  
邦以佛心子育萬方以正法澤被四海至  
元辛卯之歲孟春大雲峯長老邁吉祥欽

奉

皇帝明命撰述至元辯僞錄奏對天顏睿  
覽頒行入藏流通原其所自乙卯間道士  
丘處機李志常等毀西京天城夫子廟爲  
文城觀毀滅釋迦佛像曰王觀音舍利寶

奉三

七

塔謀占梵剎四百八十二所傳襲王浮僞  
語老子八十一化圖惑亂臣佐時少林裕  
長老率師德詣闕陳奏先朝蒙哥皇帝玉  
音宣諭登殿辯對化胡真僞聖躬臨朝親  
證李志常等義墮辭屈奉旨焚僞經罷道

爲僧者十七人還佛寺三十七所黨占餘寺派弊益甚丁巳秋少林復奏續奉綸旨偽經再焚僧復其業者二百三十七所由乙卯而辛酉凡九春而其徒竄匿未悛邪說誣行屏處猶妄驚瀆聖情由是至元十

八年冬欽奉玉音頒降天下除道德經外其餘說謊經文盡行燒毀道士愛佛經者爲僧不爲僧者娶妻爲民當是時也江南釋教都總統永福楊大師璉真佳大弘聖化自至元二十二春至二十四春凡三載

恢復佛寺三十餘所如四聖觀者皆孤山寺也道士胡提點等舍邪歸正罷道爲僧者奚啻七八百人桂冠於上永福帝師殿之梁拱間故典如南嶽山之券爲事偽者戒試嘗考之自大教西來漢明帝迎摩騰

竺法蘭二師於洛陽五嶽道士褚善信等上表譏毀佛法當時築壇以佛道二經焚之道經悉爲灰燼佛經放光無損尊者誦身作十八變有狐非獅子類燈非日月明之至言道士爲僧者不可勝數如寇謙之

矯妄崔浩惑魏太武而崔浩卒以族誅  
謨最之挫屈姜斌斌源於馬邑齊曇顯之  
愧陸修靜唐總章元年法明辨化胡之偽  
勅搜聚天下化胡經抑嘗火其書矣由古  
而今歷代帝王之制斯可忽諸蓋世尊等

卷三

八

視三界衆生猶如一子弃背大覺是子背  
其父也子背其父是自昧其所天也且師  
老子者道德二篇以清虛澹泊絕世弃聖  
立其宗隱居以求其志儵然無爲爾今盜  
名之徒鼓嘯黨援假立冠褐峻侈宮觀苟

世利養豈老氏之用心哉况老氏謂大辯  
若訥大巧若拙辯者不善善者不辯勿矜  
勿伐抱一爲天下式而占毀佛寺竊經扇  
化胡之偽是若拙若訥歟是善者不辯歟  
師老子而違其術亦復違其自宗矣若嫡  
師於老子者則弗爲也過歸才流爾雖然  
麒麟之於走獸鳳凰之於飛鳥蘭蕙之於  
薰薌旃檀之於穢壤則世未有舍鳳凰麒  
麟之瑞蘭蕙旃檀之馨而恆走獸飛鳥之  
常薰薌穢壤之垢者人心天理愛惡之所

同也柰何菽麥未析而甘事於偽妄不實之教復矜誕其浮辭侮慢大覺訕毀至聖而弗憚三途之淪溺乎斯辨偽錄之正名教造理淵奧排難精明凜乎抗凌雲之勁操坦然履王道之正塗而隄備後世之溺

卷三

九

於巨浸者其爲言也至矣蓋有偽則辯無偽則無辯豈好辯哉弘四無碍之辯者邁公之德歟言之者無罪聞之者足以戒故我皇金言喻辭曰譬如五指皆從掌出佛門如掌餘皆如指信乎王言如絲其出如

綸明逾日月堅逾金石爲萬世之龜鑑則斯錄豈小補哉

辨偽錄序蓋聞五運未形元無人物之號三才既立乃叙尊卑之名肇分六爻始畫八卦而有書契定乎訓章鳳篆龜圖金縢

玉字百家之異轍萬卷之分區雖理究乎精微言殫乎物範紀情括性未出乎域中原始要終詎該於化內况乎法身無相高超於象帝之先真諦絕稱迥出乎思議之表英猷茂實代有人焉如意者俗姓乎延

氏太原人也世傳纓冕累葉播遷代郡因  
爲家焉九歲落緡隨師請業玉離荆岫價  
重之德彌彰桂生幽岩馨香之風遠邇阿  
師內窮三藏之奧外覈九流之源名冠於  
中華聲聞於朝野運談天之口施不世之

才郁郁間綺錦之文雄雄儼凌雲之氣班  
馬之珠玉未可同年顧陸之文章寧堪並  
駕至若莊生墨生之學黃老李老之書三  
清謗道之文十異九迷之錄混元隱月之  
秘靈寶赤書之儀煥若宵膺明猶拍掌加

以禪叅於五派傍閱於群書既有雄才特  
專著述運思之外汲引無窮挫邪則有吼  
石之功扶正則具鞭屍之德固以才侔安  
遠學邁生融實覺海之龍鱗廼佛門之柱  
礎切見全真道士者丘處機李志常史志

卷三

十

經令狐璋等學業庸淺識慮非長並爲鄙  
辭排毀正法擊茲布鼓竊比雷門使中下  
之流咸生邪見欽奉薛禪聖明皇帝發大  
悲心愍其盲瞽恐墮泥犁勅令製斯論耳  
震蕩法海摧彼詞鋒碧雞之銳竟馳黃馬



合成德共生李老君雖四聖相次各不相  
同謂之獨化老君生後乃生五運謂太易  
太初有太始有太素有太極說者咸云太  
地之初太始太素太極分布清濁開闢乾坤

辯曰蓋聞龍圖鳥篆之文龜書科斗之典  
玉版玉牒之記金縢金匱之書秦漢魏晉  
之章宋齊梁陳之簡記事記史直筆直言

靡覩虛皇之名不聞元始之號安有手執  
玉圭身掛黃褐頂垂皓髮頭戴金冠別號  
天尊高拱三清之上獨稱教主統御九華  
之宮縱有天尊之名並是偷竊佛語古經  
稱佛名爲天尊不關道君之事竊他美稱

妄自尊嚴取信通人斯言謬矣案列子及  
易鈎命訣皆云天地未生之前有太易有  
太初有太始有太素有太極說者咸云太  
易者未見氣也太初者氣之始也太始者  
形之始也太素者質之始也太極者質形  
已具混沌未分也太極之後乃生兩儀謂  
之天地夫名從實生實從名起名實既著  
其道乃行太易之前杳然空洞溟溟漠漠  
本絕音容何得謾張九氣妄生四人虛上  
生虛似敲空而求嚮偽中起偽如趲影之

尋蹤豈不思既立其名須有其體既立其  
初體須有氏族且道虛皇元始誰人所生氏  
族何起居在何處若有源系出在何書若  
無來由即是虛設又空洞之前本無歲數  
今標歲數愈見虛張蓋數目起於伏羲甲

卷三

十二

子唱乎皇帝將今記古顛倒何多且上之  
三尊爲有形耶爲無形耶若是有形不在  
太易之上爰從父母而生須有年代時處  
姓氏名字前云三氣共德而生則是以氣  
生氣與氣不殊何有形名若是無形本無

名位下第七化乃云老君以上皇元年九  
月二日出遊西河遇元始天尊乘八景玉  
輿駕九色玄龍群仙導從手把華幡師子  
白鶴嘯歌邕邕同會西河之上授老君洞  
玄玉符此是誰耶進退兩求並無準的則  
知海棗虛談有名無實彫冰鏤雪枉廢詞  
章山海之所不收大荒之所不載庸愚巧  
飾何足信哉老君衰周之柱史誰云混沌  
之祖宗避周亂而過函關妄云天地之父  
母既自語之相戾何函矢之相攻掩耳偷



<sup>漢書</sup>志史記天官之書皇甫謐之帝年陶隱居之帝紀未聞五運之前先有年號三氣之內虛立劫名既清濁之未形只是洪濛一氣何有老君元始五老九天雖竊佛主劫之名而不曉成壞之數梵云劫波此云時

分時雖長短皆立劫名錯謬梵言迷惑體相釋教未來此劫但有劫殺劫賊故許慎<sup>佛說</sup>文云以兵憐人曰劫又魯將曹沫劫桓公於壇上求所侵地此則逼奪名劫豈有劫運之言乎今陳此言妄竊見矣夫名位

既有年號斯張將以率領萬方整齊四海混同九有同一車書天子至尊得建年號無名位者不敢立焉孔子雖然刪書定禮<sup>辨</sup>分辦君臣以無貴位止號素王矧乎老聃周之柱史臣子之列而草竊帝王妄建年

<sup>泰三</sup>號哉况軒皇之前本無甲子<sup>十四</sup>黃帝臣大漢武之代始建年號<sup>武</sup>帝始將古標古亦何偽乎或曰老子生於天地之前別立年號有何乖違答曰既在天地之上乃是太易之前世界未形君臣無跡杳然空寂唯一

溟濛建立年號統領誰人乎明知偷佛莊嚴賢劫星宿之意而立此延康赤明青運之目彼明三世此約一時正同山羗偷王衣物迷惑顛倒上下失次爾下云老子生於天崗李谷字曰光明則在三皇之後何得老君以陰陽二氣結爲混沌而分布天

地耶首尾兩端穿鑿見矣

辨偽  
第三開分三界偽第五化云天地有形之大者  
地之父母故能分佈清濁開闢天地運去  
元始三氣而成天上爲三清三境即始氣  
爲玉清境元氣爲上清境玄氣爲太清境  
又以三清之氣各生三氣合成九氣而爲

九天第一讚單天第二上神奇無量壽  
第三梵藍須延天第四舜然堯衍天第五  
波羅尼蜜不攝樂天第六洞玄化應聲天  
第七靈化梵輔天第八高座清明天第九  
無想無愛天此之九天各生三氣每氣爲  
一天合二十七天通此九天爲三十六天  
則三界四民上極三清是其數也初下六  
天爲欲界一太黃天二太明天三清明天  
四玄胎天五元明天六七曜天次一十八  
天爲色界一虛無天二太極天三赤明天

大羅天包羅諸天極高無一去都王京鎮  
於其上三尊所處焉又太霄隱書云大道  
君治在五十五重無極太羅天中玉京之  
衛七寶玄臺金林玉機金童玉女之所侍  
二天三界之外  
辨曰詳夫地軀伏義牛首帝堯之書龍師太鳳  
紀少之典談天行論天錄之詰括地志輿

地國之圖甘氏星經張衡靈憲不說三清  
之號匪聞大羅之名並是依傍佛經改頭  
換尾扶他名相粧綴已書且道教之宗源  
起黃帝而老子消子列子莊周鶡冠尹文  
張道派為道教諸子所談並無說天之事唯是

張道陵所集靈寶經中始說三十二天效  
佛神呪而作密言自後道書牙相鼓唱空  
技引蔓唯誑下俗佛教未來云何不說釋  
經廣布始唱斯名明名修靜增加三張妄  
闢狗偷鼠盜何足貴乎爾雅之立四號約

於四時太玄之說九天准於九有不似道  
家虛加數目天本定體何有少多今各說  
不同顯知妄立案佛經三界三業所感總  
二十八欲界有六色界十八無色有四具  
勝妙欲名為欲界形色超絕名為色界根

識兩忘名無色界越此而去名出生死捨  
分段之後身絕形名而無寄安有玄都之  
境玉京之山金童玉女交雜之事瓊與碧  
帳之飾妄竊不真於斯見矣試問道士三  
界從何而來何功所感釋名辨相全不能

卷三

去

知且道宗極致惟盡升靈寶幽微祗貪羽  
化難逃四相詎免五衰汎業浪以漂沉隨  
生死而輪轉縱茫茫之業識積浩浩之苦  
源長往不歸良可歎息鬱頭藍弗是其驗  
歟

第

隨代為帝王師偽第十一化云老君在伏

經教子說按人倫盡八對在祀融時號陽

毒子說按人倫盡八對在祀融時號陽

為子說按人倫盡八對在祀融時號陽

應子說按人倫盡八對在祀融時號陽

子說按人倫盡八對在祀融時號陽

子說按人倫盡八對在祀融時號陽

子說按人倫盡八對在祀融時號陽

子說按人倫盡八對在祀融時號陽

處各異莊周云萬世之後一遇大聖猶旦

暮遇之此明聖人出世表瑞協祥應千年  
之期膺適時之運孤標特秀迥出常流故  
得帝王師之諸侯禮重萬載一遇尚烏旦  
暮豈有隨代而出現乎夫李耳者退靜之  
士史記稱為隱君子也避亂過關葬於槐

卷三

七

里潛身柱下本是人臣位不躡於上階名  
未廁於台輔何乃擢君聖地為帝王師論  
誠不經駭人耳目培塿要齊於嵩華孰肯  
憑焉潢濬擬廣於滄溟終難信矣豈有開  
闢之後萬億餘年中間別無一人拔萃唯

有老子為帝王師于三墳五典八索九丘  
孔子春秋丘明國語百家異說九流雜談  
並無老子為師之語唯是後代無知道士  
妄撰斯言欲使老子獨高群聖美則美矣  
偽且偽焉且伏羲神農皆有聖德軒皇堯

古聖明功

舜並號明君或幼而能言或生知妙道詎  
假老子教之然後造作群物乎況書傳所  
紀古史所明燧人鑽火伏羲畫卦炎帝播  
耨女媧造篁黃帝作官室軒冕樂有咸池  
顓頊作六英堯有大章舜有大韶及作圉

碁禹有大夏湯有大濮文王有辟雍武王  
有下武鯨作城郭蚩尤作兵器坡伯造醫  
俞附脉經伶偏制律隸首作算容成作曆  
大撓造甲子奚仲作車曹胡作衣伯余作  
裳於則作履共鼓作舟楫巨揮作弓夷牟

作矢黃雍父作杵白孟莊子作鋸趙武靈  
王作靴蘇威公作箎暴辛作墳后稷之孫  
叔均作犁蒙恬作筆蔡倫作紙夏昆吾氏  
作瓦此皆各有其主群書所明何得自矜  
覽為我造又周易繫辭孔子所述列明古

帝製造之事如云包羲氏之王天下也觀  
像於天俯察於地近取諸身遠取諸物始  
畫八卦以通神明之德以類萬物之情作  
結繩而為網罟以畋以漁蓋取諸離神農  
氏為耜為耒以利天下日中為市交易有

泰三

六

無乃至黃帝堯舜垂衣裳而天下治蓋取  
諸乾坤如此歷陳法易造物不言老子所  
造也竊功業標為己能銜名自高君子不  
忍又云老子在堯時為務成子者案後漢  
應劭風俗通云東方朔是太白星精黃帝

時爲風后堯時爲務成子周時爲老聃在  
越時爲范蠡在齊爲鴟子此則務成子乃  
東方朔非干老子明矣何得妄加鈎引稱  
老子爲人師乎案魯哀公問於子夏曰五  
帝三皇皆有師乎子夏曰有臣聞皇帝學

於太真顓頊學乎綠圖帝嚳學乎赤松子  
堯學乎尹壽舜學乎務成跼禹學乎西王  
國湯學乎威子伯文王學乎鉸時子斯武  
王學乎郭政周公學乎太公呂望上之所  
叙文極分明而言老子隨代爲帝王師何

永樂北藏

佛祖歷代通載

出言之狂悖哉巧言如簧顏之厚矣且老  
子衰周柱史史有明文本是人臣逆爲上  
古帝王之師履冠戴履何顛狂之甚乎又  
上文云上古之君皆受教於老子則桀紂  
之不作幽厲之無道秦皇之凶暴王莽之

卷二

九

篡逆亦老子之所教也既然如是則老子  
爲悖逆之魁首巨猾之元匠不忠不孝若  
子之所生不義不仁老子之所主爲人師  
者不亦慚乎老君既說隨代爲師而秦漢  
之下至於金朝偏無一現乎今既無矣古

第一九一冊

亦虛焉且漢文恭儉孝武英明孝明達禮  
樂之情孝章優儒雅之道魏文帝風派文  
藻晉世祖明達寬仁宋文帝致治昇平梁  
武帝文武兼備隋高祖混同四海唐太宗  
混一車書此時不俟老子之化而皆金聲

玉振則知牽合巧會枉廢詞章祇可狂於  
閭閻難可信於達士嫫母加粉見者愈嗤  
隣女效顰鄉人不貴

第

老子出靈寶三洞偽

第九化云太上老君  
以中皇元年三月一

日於玉清天金闕上宮撰集靈篇以爲寶  
經三百卷符圖七千章玉訣九千篇老君

於上三皇時出爲大法師又說中法  
師以無極之道下授人其時人壽萬  
歲中三皇時出爲人其時人壽萬  
之出以化人其時人壽萬歲中三  
皇時出爲人其時人壽萬歲中三  
下三皇時出爲人其時人壽萬歲  
人其時人壽萬歲中三皇時出爲  
神名一十二部合爲三十六部導經也

辨曰夫仲尼入夢十翼之道始宣伯陽過  
關二篇之教方闢有名爲萬物之始無名  
爲天地之先混微妙而同玄驚寵辱而一  
致谷神不死久視長生挫銳解紛謙卑自  
牧此老氏之旨也自餘教典皆是偽書制

雜凡流唯尚誇競採傍佛語換體安名擬  
三界而立三清倣三大而立三洞虛勞紙  
墨妄飾詞章何以知之漢時張道陵造靈  
寶經王褒造洞玄經吳時葛孝先造上清  
經晉時王浮造明威化胡經鮑靜造三皇

卷三

十

經後改爲三清經齊朝陳顯明造六十四  
真步虛經梁時陶弘景造太清經隋末輔  
惠祥改涅槃爲長安經後事發被誅案甄  
鸞笑道論云道家妄注諸子三百五十卷  
爲道經如此詳之代代穿鑿人人妄制採

他佛教標爲道書或言仙洞飛來或言老  
子再現群賢不覩道士獨傳欺調時君不  
懼朝憲故唐琳法師對太宗皇帝云若據  
肅溫衆議道家止有道德二篇如依漢明  
校量便應七百餘卷約葛洪神仙之說僅  
有一千准脩靜所上目中過前九十又檢  
玄都目錄轉復彌多既其先後不同顯知  
後人妄制增加卷軸添足篇章依傍佛經  
改頭換尾或道名山自出時唱仙洞飛來  
何乃黃領獨知英賢罕覩典籍不記書史

無聞試問當今道士推勘後出之經爲是老子別陳爲是天尊更說若也更說應有時方師資傳授爲是何年何月何邦何代若在上天面說何人傳來若在西城而談何人譯出如其有據容可流行若也妄言

卷三

五

理須焚剪又漢晉之代僧號道士冠謙得志僭冒其名今稱法師愈爲矯節法師之號源出佛經萬卷百家本無此語且爲法之師名爲法師法即是師名爲法師名義不知妄安已號按賢劫已來有三佛出初

佛出時人壽六萬歲第二佛出時人壽四萬第三佛出人壽二萬何乃陳彼三皇妄合其數又前說云上三氣中而有龍漢赤明之號是時五運尚無但唯一氣何有三皇之君人壽之數乎上古縱有五龍四姓九頭十紀亦無三皇建立年號試問龍漢赤明上皇開皇誰君之年乎若言有說史無明文若言無憑不可妄立扣其兩端竟無一是又伏羲之前文字未有何出三洞靈寶之篇乎又十二部名源出佛經一代

時教類分十二道家名義不知何以妄著  
見誚實功已典如琢美玉擬作醜室雖受劬勞智者

辨偽遊化九天偽第二十六化云是時老君於  
初至第一天見放利天帝乘九光元靈之  
與蔭七元交晨之蓋建五色攝魔之節金

童至女九萬人逃才者八大有宮請問自  
然之道如是摩夷天延寶天化應天不橋  
樂天兜率天頌延天憚暑天辭華天隨處  
天帝皆與天堂玉女迎禮老君請問法要  
所到又宮皆談瓊漿碧醪月  
液汎薰蘭羞八微靈芝珍果

辨曰昔我世尊初成正覺不離道樹而起  
諸天一身不分而遍一切即多而一即一

永樂北藏

佛祖歷代通載

第一九一冊

而多猶如素月流空影分衆水大塊噫氣  
萬竅怒號大小咸周遠近無隔無心頓應  
豈正九天伯陽周之柱史尹喜函谷關吏  
身居下位難等聖蹤欲爲已德蓋善竊者  
鬼神不覺既爲人知非是好手離欲而獲

卷三

三三

輕舉禪定而感神通老子既無此功何以  
升於天上昔列子居鄭夫妻相忘耳目不  
分翛然絕寄心凝形釋骨肉都融然後身  
如槁葉隨風東西萬里頃更過旬乃返而  
莊周譏云猶有所待矧乎老耳不絕妻子

莊子

永樂北藏

佛祖歷代通載

第一九一冊

老子之子名宗宗之子名榮榮之子名不達形亡過關

乘薄牽之車道經垂有身之患詎可升天  
履霧駕鶴乘雲擬効牟尼矜為已勝且布  
施而獲大福持戒而感生天汝尚不達斯  
由安能為天說法欲界本六妄云九天初

禪純男而云玉女勾虛闌偽巧說多端且  
初禪已上禪悅為食定生喜樂捨念清淨  
何用瓊漿碧醴蘭羞八徹乎將謂天上同  
於人間羨酒肉之薰羶爭魚臭之穢濁喻  
乎鴟耽死鼠便為鳳凰同食盜聽不真請

杜臆說窮鄉多恠曲學多辨斯言信乎

鸞偷佛經教偽

第三十化云胡王見太上徒

之太起術天老君故身光明火中為王說  
金光明經胡王蓋怨納之大鏡煮之三目  
老君鍍湯之中蓮華涌出坐蓮花上說涅  
槃經又云老君使尹喜為佛與胡王為師  
懺悔三業六根五逆十惡乃  
說五戒十善并四十二章經

卷三

十三

蘇辨曰夫麒麟闕而日月虧鯨鯢死而彗星  
現銅山崩而洛鍾應葭灰缺而月暈殘蓋  
感應之道交故機教之相扣人心渴仰法  
雨芳菲沃彼情塵開他蒙昧故孔子曰不  
憤不啓不悱不發此明待問而說也况乎

聖人設教權變多方豈使他人起怒自受  
焚溺全無憚懼強與他言豈知虛往實歸  
之道哉刻刻字樣巧合經名既坐火焰上  
說金光明經坐蓮華上說蓮花經則道德  
二篇坐於道路而說洞玄三部元在水洞  
而談此既不然彼云何爾且金光明性相  
通顯法華經破權歸實涅槃經明佛性真  
常四十二章群經集出不窮根蒂盜聽妄  
談唯口起羞出何容易難惑上智只誑下  
愚又上經既是老子所陳道士應宜依而

學佛何乃合氣爲道專諷靈寶試問三經  
文明何義道藏既不收攝道士又不通明  
偷大聖之至詮爲老君之極唱正符涅槃  
盜牛之喻又同瞽者悞八金穴雖得其寶  
未知何用又曰懺悔三業至年月齋法若  
如是者道士應通且問懺悔是何語言今  
此懺悔爲事懺耶爲理懺耶約功德門而  
滅罪邪約逆生死心而滅罪耶能懺之心  
宜有幾種所懺之罪何處安排懺悔二字  
由尚罕知則三業六根五逆十惡戒善之

軌年月齋名決不曉達若是老子所說道  
士應合備知既然一字不通顯知偷佛妄  
說此同竊賊人物被主認者猶不招承更  
生拒辨焚經火板方乃慚惶君子悔前不  
至如此

卷三

三

老君結氣成字偽第八化云聖經云太  
從元始天尊於中央大福堂國說靈寶十  
部妙經以出法度人又於東極大浮黎國出  
法度人以紫筆書於空青之林又於南極  
禪離界以火煉真文瑩發字形又於西極  
衛羅世界以極真華國皆出法度人老君  
以五方真氣之精結成寶字大方法一丈八  
角垂芒為雲篆之形飛鳥之狀以立文章  
又云墳典自我而出經籍自我而生也

蘇辨曰夫子字之聿興爰從上古伏羲氏之  
王天下也始畫八卦造書契以代結繩之  
藏政由是文籍生焉故有青丘紫府三皇刻  
籀石之文綠檢黃繩六甲靈蜚之字後有蒼  
頡因而增制大篆起於史籀小篆興於李  
斯飛白創於蔡邕隸書變於程邈秦書八  
體漢字六形瘦金堆金垂雲垂露蔡葉龍  
爪顏體坡書皆循古以增成近代而改制  
豈假真氣而結何關老子傳來掩竊他能  
銜賞已德放舒白眼不恥清流上云龍漢

起於初氣何有老子而生既言紫筆書林  
乃在蒙恬之後牽今引古欺我賢人孔安  
國云伏羲神農黃帝之書謂之三墳言大  
學道也少昊顓頊高辛唐虞之書謂之五典  
言常道也易則三聖方定詩則群英之言

卷三

十五

春秋孔子所修禮則周公所定爾雅周公  
所纂國語丘明所述劉熙釋名許慎說字  
碑蒼廣雅桂苑珠叢顧野王之玉篇陸法  
言之切韻各有源系非干老聃叩言墳典  
自我而出經籍自我而生荒唐謬談侮弄

明哲亦猶相如上林說盧橘夏熟楊雄甘  
泉賦玉樹冬青聽其言則洋洋美耳究其  
事則杳杳空傳矧乎國名虛設妄採他書  
大福堂改大堂而取名東浮黎仿扶桑而  
立號南禪黎華重黎而標字西衛羅竊於  
迦維羅衛壯方全收鬱單越名十州所不  
收神異所不攝地理無所紀括地絕形名  
空闕五車了無一實偷鈴掩耳斯之謂與

佛祖歷代通載卷第三十三

永樂北藏

佛祖歷代通載

第一九一冊